

M065: Linzer Entechrist

0,1 wir hân zehant daz zît .
0,2 von dem Paulus sus quît .
0,3 “ire ôren kêrent sie von der wârheit .
0,4 nütziu rede ist in leit .
0,5 speller und niuwe mære .
0,6 sîn si joch ungewære .
0,7 hoerent si allergernest .
0,8 keinen vrumen ernest .
0,9 megen sie ze gote hân .
0,10 die des niut wellent abe gân .”
0,1 ouch hânt genuoge den muot .
0,2 daz sie dûhte vile guot .
0,3 swer in sagete oder sünge .
0,4 von künftigen dingen .
0,5 daz hæten sie ze grôzen minnen .
0,6 von diu wile ich beginnen .
0,7 von den Êndekriste sagen .
0,8 die nôt wile ich niut verdagen .
0,9 diu in sîneme zîte .
0,10 komet über die werlt algelîche .
0,1 Jakop hæte zwelif süne .
0,2 ze gote wâren guot sîne mune .
0,3 an sîneme tôtbette .
0,4 mit ieteslîchem er redete .
0,5 mit wunsches gewelte .
0,6 segenete sie der alte .
0,7 er kunte in ze wâre .
0,8 waz in künftic wære .
0,9 unde nâch in ire geslehte .
0,10 des hæte er alles ahte .
0,11 daz was ein gotes wunder .
0,12 ieteslîchem wünschete er besunder .
0,1 ir einer hiez Judas .
0,2 ich weiz er kunte im daz .
0,3 er solte gewinnen des lewen kraft .
0,4 in des geslehte wart diu maget berhaft .
0,5 die Krist ze einer muoter wolte hân .
0,6 dô hiez aber ein ander Dan .
0,7 dem gap er disen vluoch dâ .

0,8 “– Dan – – – .”
0,9 daz quît . Dan der müeze ligen .
0,10 sam die slange an dem wege .
0,11 dê mite tete er uns kunt .
0,12 daz der leidige hunt .
0,13 in sîneme künne .
0,14 muoter gewünne .
0,1 des wurmes natûre .
0,2 hât der ungehiure .
0,3 er bîzet die ungewarn .
0,4 die den wec wellent varn .
0,5 sam tuot der Ëndekrist .
0,6 wan er wider got ist .
0,7 die mit Kriste wellent bestân .
0,8 und den rehten wec gân .
0,9 den tuot er vile michel nôt .
0,10 und ze jungeste den tôt .
0,11 oder sie müezen .
0,12 den selben wec lâzen .
0,1 sancte Iheronimus uns seit .
0,2 von sîner gebûrte di wârheit .
0,3 von manne unde wîbe wirdet er geboren .
0,4 die dê zuo sint erkoren .
0,5 niut von einer maget
0,6 als er selbe dê nâch saget .
0,7 als siu wirdet swanger .
0,8 sô ne bîtet niut langer .
0,9 der übel hellewarte .
0,10 er ne werde ire geverte .
0,11 des tiuvels wirdet siu sâr vol .
0,12 wan er des kindes pflegen sol .
0,13 sam der heilige geist .
0,14 was sancte Marîen volleist .
0,1 der name Antichristus .
0,2 wirdet bediutet sus .
0,3 Kriste widerwertic .
0,4 wirdet allez sîn dinc .
0,5 wan von des engeles munde .
0,6 diu hêriu maget tragen begunde .
0,7 des wâren gotes wort .
0,8 wole bewarten die engel den hort .
0,9 und der heilige geist .
0,10 der pflac sîn allermeist .
0,11 des was diu vrôniu maget alsô vol .
0,12 der tiuvel sam tuon sol .
0,13 des Ëndekristes muoter .
0,14 siu wirdet tôdes vuoter .
0,15 innen und ûzen .

0,16 der tiuvel sol sie begân .
 0,17 wan den siu dâ gebiret .
 0,18 ein sun er tiuvels wirdet .
 0,19 niut an der mennischheit .
 0,20 sunder an aller slahte tobeheit .
 0,1 ze Bêthlêhêm wart Krist geboren .
 0,2 die wênige stat hât er erkoren .
 0,3 durch sîne michel diemuot .
 0,4 dâ wider zeigt der tiuvel den den hôchmuot .
 0,5 Babilôniam hât er erkoren .
 0,6 dâ der Êndekrist werde geboren .
 0,7 daz ist ein stat sô kreftic .
 0,8 die heidene hânt keine ir gelîch .
 0,9 von dannen
 0,10 kumet er ze Korazaim .
 0,11 und . zuo Bethsaida .
 0,12 daz er gezogen werde dâ .
 0,13 in den steten . Krist manigen beruochte .
 0,14 iedoch er sie beide vervluochete .
 0,15 er sprach “wê dir Bethsaida unde Korazaim .”
 0,16 dâ wirdet der selbe wuotgrim .
 0,17 ein junger ze wâre .
 0,18 der übeln goukelære .
 0,19 ire liste wirdet er sô vol .
 0,20 wan er si alle haben sol .
 0,1 Paulus der guote man .
 0,2 dô er reden began .
 0,3 von der werlt ende .
 0,4 und ouch von der urstende .
 0,5 dô sprach er alsô .
 0,6 “— — — .”
 0,7 daz quît . gewalt geswîche .
 0,8 dem roemischen rîche .
 0,9 unde werde ouch eroffenet .
 0,10 mit der grimmen nôt .
 0,11 der sun der verlorenisse .
 0,12 der mit allem sîneme liste .
 0,13 wider gote wile stên .
 0,14 êr mac diu werlt zergên .
 0,15 dâ bî hât uns gekündet .
 0,16 doch er iz niut habe ergründet .
 0,17 wie daz roemische rîche .
 0,18 zergê garlîche .
 0,19 êr der selbe vâlant .
 0,20 werde kunt über lant .
 0,1 Ieronimus der schrîbære .
 0,2 saget uns ze mære .
 0,3 wie er ze Rôme vûnte .

0,4 wan er iz gesuochen kunde .
0,5 an eineme buoche geschriben stân .
0,6 wie disiu dinc sulen ergân .
0,1 der franken küninc einer .
0,2 doch er kume sô eine .
0,3 doch er sul ze jungeste komen .
0,4 iedoch wirdet er vernomen .
0,5 über alle ze wâre
0,6 die vore ime wâren .
0,7 Rôme und Laterân .
0,8 wirdet im undertân .
0,9 und alle diu rîche .
0,10 betwinget er gewalticliche .
0,11 sie müezen im zins geben .
0,12 er sol sælicliche leben .
0,13 in vile langem zîte .
0,14 den vride gebiret er wîte .
0,1 ze jungeste er sich wole bewart .
0,2 sô gebiutet er eine hervart .
0,3 ze Jerusalem in daz lant .
0,4 daz keiserliche gewant
0,5 sper swert unde krône .
0,6 und daz kriuze vrône .
0,7 bringet er mit dar .
0,8 sô grôz wirdet diu selbe var .
0,9 daz nie keine mêr .
0,10 sô kreftic wart êr
0,11 daz volc daz er leitet .
0,12 daz gevilde iz bespreitet .
0,13 sam die vogel die sæte .
0,14 in – – .
0,15 daz keiserliche – .
0,16 daz opferet er gote dâ .
0,17 mit sîn selbes henden .
0,18 sô ist roemisches rîches ende .
0,1 sam drâte ist daz zît .
0,2 von dem Johannes – – quît .
0,3 diu erde alliu erwaget .
0,4 wan vile maniger danne klaget .
0,5 daz im nieman vore sî
0,6 er sî schalc oder vrî .
0,7 wan . iegelicher danne tuot .
0,8 als in leitet sîn muot .
0,9 und als er ez bringen mac .
0,10 swarz wirdet der sunne sam ein wüllîn sac .
0,11 der heilige Krist .
0,12 der ein sunne des rehten ist .
0,13 der wirdet verholen danne .

0,14 beide wîp unde manne .
0,15 getaget sint die pfaffen .
0,16 die dâ solten wachen .
0,17 die sint alle entswebet .
0,18 ob ouch ieman nâch gote lebet .
0,19 ich weiz er die nôt lîde .
0,20 von der der wîssage es schrîbet .
0,21 des goteswortes durst unde hunger .
0,22 iz sî der meister oder der junger .
0,23 ir neheiner wile im daz entblanden .
0,24 daz er gotes anden .
0,25 an keinen dingen welle hân .
0,26 von diu muoz diu werlt zergân .
0,1 der Ëndekrist ist ie dannoch verholen .
0,2 wan er sich niht offenen sol .
0,3 êr er wirdet drîzic jâr alt .
0,4 als uns von im ist gezalt .
0,5 iedoch sendet er lîse .
0,6 sîne voreboten wîse .
0,7 daz sint die pseudoprophêtê .
0,8 die sulen vûre komen êr .
0,9 die selben trûgenære .
0,10 werdent wîtene mære .
0,11 daz sie sîn guote liute .
0,12 iedoch stecket in der schæfînen hiute .
0,13 daz wûlvîne herze .
0,14 den bittern smerze .
0,15 müezen sie von in hân .
0,16 die mite wellent gân .
0,1 – daz buoch sie verwâzet .
0,2 den höuweschreckeln iz sie geebenmâzet .
0,3 der natûr ist sô getân .
0,4 si ne wellent niut rehte gân .
0,5 man saget daz sie sich vlîzen .
0,6 wie sie verholen bîzen .
0,7 die angele tragent sie in den munden .
0,8 dâ mite tuont sie wunden .
0,9 iedoch suoze sie singent .
0,10 hôhe sie springent .
0,11 ze vliegenne sie strebent .
0,12 in die lufte sie hebent .
0,13 doch vallent sie drâte nider .
0,14 daz machet ire boese gevider .
0,15 die ouch die trûgeheit begânt .
0,16 die selben site sie hânt .
0,17 wan sie des wênic gedenkent .
0,18 waz diu vetache bezeichnenent .
0,19 daz si got rehte wellen minnen .

0,20 vüre den vluc müezen sie – springen .
0,21 swie guot sîn ouch ire wort .
0,22 iedoch tuont sie daz mort .
0,23 an den einvalten müeten .
0,24 got welle sie behüeten .
0,25 ir wirdet vile ûz der zal .
0,26 sô grôze kraft hânt sie überal .
0,1 got durch sîne güete .
0,2 der die sîne behüete .
0,3 er beware si ienoch .
0,4 Eliam unde Enoch .
0,5 zwêne wîssagen alte
0,6 die er in sîneme gewelte .
0,7 hât behalten unz dar .
0,8 die sendet er den sînen ze einer war .
0,9 vore dem Êndekriste .
0,10 daz er mit sîneme liste .
0,11 unde mit lêre
0,12 daz liut betalle niut verkêre .
0,1 als uns sancte Johannes diutet .
0,2 die zwêne gotes trûten .
0,3 sint zwein öleboumen gelîch .
0,4 wan si der minne sint sô rîche .
0,5 sie lûhtent sam zwei kerzestâl .
0,6 und hânt ouch die wâl .
0,7 daz sie den regen behaben betalle .
0,8 swenne in gevalle .
0,9 unde in aber lâzen vliezen .
0,10 ire zungen megen den himel besliezen .
0,11 unde wider ûf tuon .
0,12 sô sie sich wellent müejen .
0,1 ire predie ist süeze unde guot .
0,2 got durch ire willen tuot .
0,3 vile kreftigiu wunder .
0,4 manic ungesunder
0,5 gât von in heil .
0,6 mit dem tiuvel hânt sie kein teil .
0,7 daz wazzer machent sie ze bluote .
0,8 die kraft gît in got der guote .
0,9 sweliche sich wider sie setzent .
0,10 vile schiere sie die geletzent .
0,11 ire bredige weret vierdehalp jâr .
0,12 sô sagent uns diu buoch vüre wâr .
0,1 in dem zîte .
0,2 die juden di dâ zerteilet sint wîten .
0,3 als sie gehoerent sagen .
0,4 von den zwein wîssagen .
0,5 sâr beginnent sie gâhen .

0,6 daz sie in genâhen .
0,7 si kêrent wider an ire altez pfat .
0,8 ze Jerusalêmen in die stat .
0,9 die selben hûsgenôze .
0,10 vrôuwent sich grôze .
0,11 daz in sol komen Krist .
0,12 der in geheizen ist .
0,13 vore manigem jâre .
0,14 wole geloubent sie des ze wâre .
0,1 sâr zuo dere stunte .
0,2 wirdet dem hellehunde .
0,3 abe gezucket daz seil .
0,4 des wirdet vile maniger ungeil .
0,5 der Êndekrist mit sînen holden .
0,6 unde die im wellent volgen .
0,7 ze Jerusalêm kumet er überlût .
0,8 den juden wirdet er ein wîle trût .
0,9 er sprichet daz er sî Krist .
0,10 der in sô lange geheizen ist .
0,11 er sî umbe daz geboren .
0,12 daz ir necheiner werde verloren .
0,13 er welle sie behüeten .
0,14 von allen ire noeten .
0,15 ire lant well er in wider geben .
0,16 sâr beginnent sie zuo im streben .
0,17 in dem tÊmpel lâet er sich besnîden .
0,18 durch die ê wile er daz lîden .
0,19 daz tÊmpel Salomonis .
0,20 des weset alle gewis .
0,21 daz widerzimbert er .
0,22 wan daz ist alliu sîn ger .
0,23 wie er die alten ê .
0,24 mit ire gesetzede begê .
0,25 ûf hebet er die jûdischheit .
0,26 daz er zerstoeren mege die kristenheit .
0,1 driu dinc er tuot .
0,2 maniges mennischen muot .
0,3 mit den er verhêret .
0,4 sîne holden er sô gemêret .
0,5 er hât zeichene gewalt .
0,6 daz machet in unrehte balt .
0,7 des nimet in untur .
0,8 von dem lufte heizet er komen daz viur .
0,9 die durren boume blûejen .
0,10 diu wazzer toben unde luogen .
0,11 mit wâzgewitere .
0,12 regene bittere .
0,13 unde maniger slahte wunder .

0,14 diu nieman besunder .
0,15 borewole mac erzelen .
0,16 mit den er mac gevellen .
0,17 joch der erwelten gemüete .
0,18 iz en sî daz sie got behüete .
0,1 di er mit disen dingen .
0,2 niht mac gewinnen .
0,3 den gibet er pfelle und bunt .
0,4 manic güldîn pfunt .
0,5 silber unde edel gesteine .
0,6 gâbet er in eine .
0,7 und alle werltêre .
0,8 alsus überkumet er mêre .
0,9 ez en sî daz diu buoch haben gelogen .
0,10 künige unde herzogen .
0,11 bischove unde pfaffen .
0,12 die dâ solten bewachen .
0,13 di vile arme kristenheit .
0,14 di gewinnet er vile gereite .
0,15 mit susgetânen geben .
0,16 boese wirdet der rehten leben .
0,1 swen er überkomen niht mac dâ mite .
0,2 dem zeigt er den dritten site .
0,3 sîne grimme tobeheit .
0,4 er tuot in vile michel leit .
0,5 er selbe unde di sîne
0,6 bestânt sie mit nîde .
0,7 sie hânt zuo in grôzen haz .
0,8 des wirdet vile maniger an dem gelouben laz .
0,1 Elias und Enoch .
0,2 gevüezet sint sie noch .
0,3 offen stât der ire munt .
0,4 den liuten tuont sie allen kunt .
0,5 ez sî des tiuvels list .
0,6 swaz dâ begât der Êndekrist .
0,7 swer ouch im volgen welle .
0,8 der müeze bûwen di helle .
0,9 mit rede sô geuoger .
0,10 und ander genuoger .
0,11 die erwelten sie gemêrent .
0,12 die juden sie gar bekêrent .
0,13 sie koment alle zuo der kristenheit .
0,14 als der wîssage dâ – seit .
0,15 behalten werdent ire reliquiê .
0,16 ungetoufet belîbet ir necheiner mêr .
0,17 an dem gelouben werdent sie sô veste .
0,18 die kreftigen este .
0,19 in der erwelten schar .

0,20 wider dem Ëndekriste setzent sie sich gar .
 0,1 Johannes êwangeliste .
 0,2 schrîbet uns von dem Ëndekriste .
 0,3 er spricht wie er in allen gæhe .
 0,4 ein tier sæhe .
 0,5 ûf stîgen von dem mer .
 0,6 daz hæte wunderlîche wer .
 0,7 ze sagenne ist iz im guot .
 0,8 der wole geloube .
 0,9 daz tier hæte sibem houbet .
 0,10 und zehen horn .
 0,11 er tuot uns ouch kunt
 0,12 wie iz hæte eines lewen munt .
 0,13 der smacket unsuoze .
 0,14 iz hæte ouch bernvuoze .
 0,15 eineme lêbarten was iz gelîch .
 0,16 daz ist allez bezeichnenlîche .
 0,1 ouch saget der êwangeliste
 0,2 wie houbete daz meiste .
 0,3 was in der gebære .
 0,4 sam iz tôt wære .
 0,5 und wart aber gesunt .
 0,6 daz wart sô wîten kunt .
 0,7 manigem liute .
 0,8 nû vernemet waz daz bediute .
 0,1 daz tier daz steic ûz dem mere .
 0,2 bezeichnenet . den Ëndekrist mit sîneme here .
 0,3 die gewinnenet der tiere grimmicheit .
 0,4 und des meres tobeheit .
 0,5 ez hæte eines lewen munt .
 0,6 des âtem ist ungesund .
 0,7 sam wirdet des Ëndekristes wort .
 0,8 vore gote stinkente alsam ein mort .
 0,9 sîn stimme ist vile egeslich .
 0,10 dâr an ist er im ouch gelîch .
 0,11 wan sîn stimme diuzet .
 0,12 sam der wâc der dâ vliuzet .
 0,13 sîn gebot strîchet überal .
 0,14 sam der donerschall .
 0,15 an der rede hât er die übermüete .
 0,16 sam ouch der lewe er tuot .
 0,1 sîn stuol er setzet .
 0,2 wan in des nieman letzet .
 0,3 in templô dominî
 0,4 daz sîn gewalt deste mêr sîe .
 0,5 sô ne singet dâ nieman gewisse .
 0,6 die mêten noch die messe .
 0,7 noch der tagezîte nehein .

0,8 vile grôz wirdet daz mein .
 0,9 daz der wuotgrimme .
 0,10 begât mit sîner stimme .
 0,11 er sprichet daz er sîe got .
 0,12 der alliu dinc hât gebildet .
 0,13 mit sîner magenkrefte .
 0,14 die engel in dem lufte .
 0,15 müezen im sîn undertân .
 0,16 kein got mege ouch gegen im gestân .

28a,1 swâ ouch der heilige Krist .
 28a,2 hæte keine wist .
 28a,3 oder an sweliher stete
 28a,4 keine genâde er tete .
 28a,5 iz sî kireche oder mûre .
 28a,6 daz zerstoeret der ungehiure .
 28a,7 swâ er gie oder trat .
 28a,8 und daz heilige grap .
 28a,9 zervüeret er algelîche .
 28a,10 vile starc wirdet sîn rîche .

29a,1 noch haben wir mêre .
 29a,2 ze sagenne von dem tiere .
 29a,3 daz iz hæte bernvuoze .
 29a,4 daz bezeichnenent daz unsüeze .
 29a,5 daz er den tuon beginnet .
 29a,6 die wider im sinnenent .
 29a,7 ez was eineme lêbarte gelîch .
 29a,8 wan der selbe wüeterîch .
 29a,9 hât misselîche lêre .
 29a,10 nû diemüete . denne hêre .
 29a,11 ouch sint die rehten irrære .
 29a,12 sîne volgære .
 29a,13 sie bringent manigen irretuom .
 29a,14 des wellent sie haben ruom .
 29a,15 welicher mit sîneme sinne .
 29a,16 manigern volgær gewinne .

30a,1 nû wile ich ouch liuten .
 30a,2 waz diu siben houbet bediuten .
 30a,3 sie bezeichnenent allermeiste .
 30a,4 siben übel geiste .
 30a,5 die alliu dinc schündent .
 30a,6 diu die sêle wudent .
 30a,7 mit den ouch was besezen .
 30a,8 diu dâ gotes hæte vergezen .
 30a,9 Maria Magdalena
 30a,10 — — — .

30a,11 aller meine was siu vol .
30a,12 iedoch bedâhte siu sich wole .
30a,1 got durch sîne güete .
30a,2 gap ir daz gemüete .
30a,3 daz siu zuo im gie .
30a,4 durch ire unreht siu daz niut verlie .
30a,5 siu weinte im ûf sîne vuoze .
30a,6 siu kuste sie vile suoze .
30a,7 und wischete si mit ire vahsen .
30a,8 die siu êr lie wahsen .
30a,9 durch grôz unvar .
30a,10 von Kriste wart siu dô wole bewart .
30a,11 mit sînen genâden er sie trôste .
30a,12 von sibem tiuveln er sie lôste .
30a,13 daz sint diu sibem houbet .
30a,14 des tiuvels kint vile wole erouget .
30a,15 der ungehiure Êndekrist .
30a,16 daz er ir aller vol ist .

31a,1 der houbete was ouch einez tôtwunt .
31a,2 unde wart aber gesunt .
31a,3 daz bezeichnenent ein list .
31a,4 den begât der Êndekrist .
31a,5 von dem geschihet michel leit .
31a,6 sînen holden er seit .
31a,7 daz er welle ersterben .
31a,8 er lêret sie wie sie werben .
31a,9 unde wie si in sulen begân .
31a,10 an dem dritten tage well er erstân .
31a,11 als er in gekündet die nôt .
31a,12 sâr liget er vüre tôt .
31a,1 sô wirdet grôz ire ungehabe .
31a,2 sie tragent in zuo dem grabe .
31a,3 sie wurkent werde
31a,4 ein grap ûf der erde
31a,5 dâ nie nieman inne gelac .
31a,6 unz an den dritten tac
31a,7 bewarnt sie in dâ inne .
31a,8 mit allem ire sinne .
31a,9 und mit micheln sorgen .
31a,10 an dem dritten morgene .
31a,11 von dem grabe er erstât .
31a,12 er sliufet in vile edel wât .
31a,13 er sprichet er welle iemer leben .
31a,14 der gewalt sî im gegeben .
31a,15 in himel unde erde .
31a,16 des vrôuwent sich die sîne sô werde .

- 32a,1 die alten schribære .
 32a,2 sagent uns ze mære .
 32a,3 wir vinden ez an den buochen .
 32a,4 wellen wir ez suochen .
 32a,5 wie diu werlt algelîche .
 32a,6 in zehen künincriche .
 32a,7 zerteilet werde .
 32a,8 êr der unwerde .
 32a,9 der gotes widerstrîte
 32a,10 kome in sînem zîte .
 32a,11 die zehen künige er betwinget .
 32a,12 vile gereite er sie gewinnet .
 32a,13 ze swiu er si wile haben .
 32a,14 als wir iu nû wellen sagen .
- 33a,1 ein volcwîc er ane gât .
 33a,2 drî künige er mit strîte bestât .
 33a,3 der ist einer ûzer Africa .
 33a,4 der ander von Ethiopia .
 33a,5 der künige der dritte
 33a,6 ist ûzer Egipte .
 33a,7 sie vüerent manigen garwen man .
 33a,8 iedoch gesiget er in an .
 33a,9 sâr werdent im diu rîche
 33a,10 undertân algelîche .
 33a,11 ein iegelich küninc unde sîn lant .
 33a,12 ergibet sich in sîne hant .
 33a,13 ze hêren wirdet er überal erkoren .
 33a,14 daz bediutent diu zehen horn .
- 34a,1 swaz ouch hât diu horn .
 34a,2 dâ mite rîchet iz sînen zorn .
 34a,3 allsô tuot – der Êndekrist .
 34a,4 er kêret allen sînen list .
 34a,5 wider den gotes holden .
 34a,6 er ist in erbolgen .
 34a,7 an in richet er sînen anden .
 34a,8 mit den vürsten . in allen landen .
 34a,9 sie sint sîniu horn .
 34a,10 von den müezen die kristene sîn verloren .
- 35a,1 alsô daz dinc ane gât .
 35a,2 Elias niut en lât .
 35a,3 – – noch der guote Enoch .
 35a,4 si en bredigen doch .
 35a,5 sô starc wirdet ire herzeleit .
 35a,6 durch die grôzen trûgeheit .
 35a,7 ûf den lîp hânt sie kein ahte .

35a,8 mit michelm gebrehte .
35a,9 bestânt sie den grimmen .
35a,10 sament beginnent sie limmen .
35a,11 mit rede genuoger .
35a,12 tiefer unde gevuoger .
35a,13 sô kreftic wirdet der strît .
35a,14 daz unz an daz zît .
35a,15 nie kein gelêrt man .
35a,16 sôgetânes began .
35a,17 noch ie mohte vüre bringen .
35a,18 mit den worten beginnent sie in twingen .
35a,1 sô grîfet er an diu zeichen .
35a,2 ire gemüete wile er gerne weichen .
35a,3 iz ne ist im aber ze niute guot .
35a,4 got durch ire willen tuot .
35a,5 micheles mêre .
35a,6 daz müejet in vile sêre .
35a,7 wan in diu rede niut vervihtet .
35a,8 von diu grîfet er an daz swert .
35a,9 sie sint die êresten den er tuot den tôt .
35a,10 vile grôz wirdet denne nôt .
35a,11 abe slahen heizet er in diu houbet .
35a,12 sô ist über die kristene erloubet .

36a,1 sâr vröuwent sich unmâzen .
36a,2 di gotes widersâzen .
36a,3 sie gâhent senden unde geben .
36a,4 sie wænent sie megen sanfte leben .
36a,5 wan die zwêne sint erslagen .
36a,6 der wort sie niut mohten vertragen .
36a,7 der bredige sie muote sô sêre .
36a,8 sie vlîzent sich desten mêre .
36a,9 ire vröuwede mit gevræze .
36a,10 ze Jerusalem an der strâze .
36a,11 ligent die heiligen unbegraben .
36a,12 ir getar nieman keine ruoche haben .

37a,1 got zeigt iedoch sînen zorn .
37a,2 also die zwêne werdent verloren .
37a,3 ungerochen lât er ez niut belîben .
37a,4 von donere unde von ertbibe .
37a,5 diu stat alliu erwaget .
37a,6 als uns diu buoch sagent .
37a,7 ire vröuwede wirdet vile ungeil .
37a,8 der stete daz dritteil .
37a,9 beide gezimber unde gemuore .
37a,10 daz zervellet vile ungehiure .
37a,11 die dâr inne bûwent .

- 37a,12 ich weiz sie die vröuwede döuwent .
37a,13 die si habeten unrehte .
37a,14 daz ist ein gotes gerihte .
- 38a,1 nû en wellen wir ouch niut verdagen .
38a,2 von den zwein wîssagen .
38a,3 wie sie ligen drî tage .
38a,4 unde ein halben obe der erde .
38a,5 des vierden tages sulen si erstein .
38a,6 in eineme wolken ze himel gein .
38a,7 ouch kumet ein stimme überal .
38a,8 daz der liut algelîche den schal .
38a,9 vile wole vernimet .
38a,10 siu ledet die hêrren als in wole gezimet .
- 39a,1 nû vernemet algelîche .
39a,2 unde merket stætclîche .
39a,3 waz die lêrære .
39a,4 reden ze disem mære .
39a,5 sie sprechent si en erstein niuwet sâr .
39a,6 als geschrîben sî dâ .
39a,7 den kristenen sî iz ze trôste geschrîben .
39a,8 sie müezen iedoch langer ligen .
39a,9 sie wellent daz der vierdehalp tac . sî allez daz zît .
39a,10 sô der Êndekrist hât den widerstrît .
39a,11 daz ist vierdehalp jâr .
39a,12 sô lange ligen vüre wâr .
39a,13 die zwêne wîssagen .
39a,14 die durch Krist werdent erslagen .
39a,15 zuo der liute gesihte .
39a,16 sam ze eineme gerihte .
39a,17 unbegraben und unwert
39a,18 got der sie unz dar hât ernert .
39a,19 sô manic tûsent jâre .
39a,20 er bewaret sie ouch danne ze wære .
- 40a,1 nû kêren wider an den hunt .
40a,2 an den leidigen helleslunt .
40a,3 an den Antichristum .
40a,4 ez sî künincriche oder bischtuom .
40a,5 daz hât er danne in sîner hant .
40a,6 betwungen hât er alliu diu lant .
40a,7 er gebiutet swâ dechein gotes holde sî .
40a,8 er sî schalc oder vrî .
40a,9 leie oder pfaffe .
40a,10 daz man daz schaffe .
40a,11 mit güete . oder mit leide .
40a,12 daz er von Kriste scheide .

- 40a,13 er sî arm oder rîche .
40a,14 sie müezen im algelîche .
40a,15 gehôrsamen oder entrinnen .
40a,16 mehte ouch die vluht keiner gewinnen .
40a,17 des mehte werden eteslich rât .
40a,18 vile lützel im decheiner entgât .
- 41a,1 er sendet ouch überlût .
41a,2 sumelîche sîniu trût .
41a,3 er gibet in alle sîne kraft .
41a,4 von dem tiuvel werdent si behaftet .
41a,5 sie tuont wunder manigiu .
41a,6 vile harte kreftigiu .
41a,7 sie kündent in allen landen .
41a,8 ire hêrre sî erstanten .
41a,9 er sî ouch der wâre got .
41a,10 vile manicvalt wirdet der spot .
41a,11 den si trîbent von Kriste .
41a,12 Johannes êwangeliste .
41a,13 saget uns – – – wie er sâhe .
41a,14 ein tier vile spæhe
41a,15 ein tier vile gremelich .
41a,16 doch hete iz zwei horn diu wâren gelîch .
41a,17 sam sie eines lambes wâren .
41a,18 si en stuonten niemanne ze gevære .
41a,19 die selben er dâ mite bediute .
41a,20 wan sie erzeigent sich vore dem liute .
41a,21 wie sie haben die zwivalte minne .
41a,22 doch sint ire sinne .
41a,23 grim und tobelich .
41a,24 von diu sint sie deme tiere gelîch .
- 42a,1 nû wellen wir iu ouch sagen .
42a,2 wir ne megen iz niut verdagen .
42a,3 ein teil von ire lêre .
42a,4 dâ bî gedenket irre mêre .
42a,5 ire rede habent alsus .
42a,6 der dâ heizet Jêsus .
42a,7 der was ein grimmer man .
42a,8 keinen vriunt er nie sô lieben gewan .
42a,9 er ne wolte daz er lite nôt .
42a,10 unde den bittern tôt .
42a,11 unser hêrre ist sô guot .
42a,12 nieman er dâ mite müejet .
42a,13 er ne ne heizet nieman wachen .
42a,14 weinen noch lachen
42a,15 er heizet ouch sîn mit genâden .
42a,16 alle die im genâhen

- 42a,17 ez sî der huorenter man .
42a,18 oder der nie wîp gewan .
42a,19 er sî milte oder ein diep .
42a,20 sie sint im alle eben liep .
42a,21 swer in ze hêrren wile hân .
42a,22 und im wile sîn undertân .
42a,23 der tuo swaz er welle .
42a,24 unde ist iedoch sîn geselle .
- 43a,1 swer aber die rede læzet .
43a,2 und sich wider ire lêre setzet .
43a,3 dem sprechent sie drouwelîche zuo .
43a,4 sît er sô vrevellîche tuo .
43a,5 im sî guot daz er beware .
43a,6 wie er gewærliche vare .
43a,7 daz er iht gelige ze âse den raben .
43a,8 sam di dâ zuo Jerusalêmen ligent unbegraben .
- 44a,1 ein reht si setzent ouch danne .
44a,2 wîbe unde manne .
44a,3 allen gelîche .
44a,4 daz stætent die dâ pflegent der rîche .
44a,5 daz man nieman lâze leben .
44a,6 er ne habe sich dem Ændekriste ergeben .
44a,7 sie machent wehsîne manlîch .
44a,8 dem Ændekriste sô gelîch .
44a,9 in eineme ieteslîchem lande .
44a,10 ze eineme urkûnde .
44a,11 der tiuvel gibet in die kraft .
44a,12 diu bilede werdent redehaft .
44a,13 diu bilede beginnent sprechen .
44a,14 sô gâhent si sâr zechen .
44a,15 in einer iegelîcher stete .
44a,16 daz der liut diu bilede ane bete .
44a,17 swer ouch des weigeret .
44a,18 der muoz lîden den tût .
- 45a,1 ie dannoch sie setzent ein reht .
45a,2 daz muoz behalten der hêrre joch der kneht
45a,3 über alliu diu lant .
45a,4 swer an sîner zesewen hant .
45a,5 des Ændekristes buochstabe .
45a,6 niut welle haben .
45a,7 den sol nieman lâzen leben .
45a,8 oder iht ze koufenne geben .
45a,9 der buochstabe ist sôgetân .
45a,10 des Ændekristes namen sol er hân .
45a,11 alsô werdent sie dem tiuvel versalt .

- 45a,12 er sî junc oder alt .
45a,1 wâ wart ie sôgetâniu nôt .
45a,2 ou wê wie maniger denne den tôt .
45a,3 wünschen beginnet .
45a,4 vile maniger ouch des sinnet .
45a,5 wie er sich verberge .
45a,6 in hole oder erde .
45a,7 vore der nôt diu danne ist .
45a,8 von der selbe unser hêrre Krist .
45a,9 sagete in dem evangelio
45a,10 dô er sprach “– – –”
45a,11 daz quît . swer denne an keinem acker ist .
45a,12 der kêre allen sînen list .
45a,13 wie er zuo dem gebirge entrinne .
45a,14 daz er dâ ruowe gewinne .
45a,15 swelicher ouch ist ûf dem dache .
45a,16 sî er joch âne lachen .
45a,17 er en stîget niut nider in daz hûs
45a,18 daz er iuwet neme dâr ûz .
45a,19 daz leben dunket in swære .
45a,20 er entrünne gerne mehtiger lêre .
- 46a,1 ouch sprach unser hêrre Jêsus
46a,2 “wê – .”
46a,3 daz quît . wê tragenden unde sougenten wîben .
46a,4 wan sie müezen denne lîden .
46a,5 die vile grimme quâle .
46a,6 si en wellen âne twâle .
46a,7 ane beten den Êndekrist .
46a,8 sô kreftic sîn gewalt ist .
- 47a,1 ienoch haben wir ein trôst .
47a,2 got der uns hât erlôst .
47a,3 mit sîneme bluote .
47a,4 durch sîne grôze güete .
47a,5 gekürzet hât er die tage .
47a,6 –[...]
47a,7 durch der erwelten willen .
47a,8 dâ mite bringet er sie innen .
47a,9 daz er niut vergezzen hât .
47a,10 also vierdehalp jâr . ergât
47a,11 an – sôgetâner wuote .
47a,12 an der heiligen bluote .
47a,13 sô hât der wuotgrimme vollelebet .
47a,14 daz er wider gote hât gestrebet .
47a,1 daz muoz er dôuwen sêre .
47a,2 nâch sancte Paules lêre .
47a,3 in slehet daz goteswort .

47a,4 zerstieben muoz er als ein stinkendez mort .
47a,5 vore gotes gesihte .
47a,6 daz selbe gerihte
47a,7 in – – ergât .
47a,8 durch neheine vorhte er lât .
47a,9 dâ Krist vuor ze himele .
47a,10 er setzet dâ sîn gesidele
47a,11 er sitzet dâ in sîneme gezelte .
47a,12 mit dem rehten gelte .
47a,13 wirdet im dâ gelônnet .
47a,14 er entvâhet den êwigen tô .

48a,1 sumelîche strîtent dâr umbe .
48a,2 wie in der engel vûnte .
48a,3 er slâ in mit eineme swerte .
48a,4 sumelîche widerredent daz geverte .
48a,5 sie sprechent in slâ des doneres slac .
48a,6 vile wole daz wesen mac .
48a,7 wir megen wole gelouben daz iz wâr sîe
48a,8 wan Johannes sprichet in apocalypsi .
48a,9 daz dâ von swebele unde viure .
48a,10 vûre werde der ungehiure .
48a,11 er unde sîne holden .
48a,12 wan si got hânt erbolgen .
48a,13 diu werlt erwaget überal .
48a,14 ein vile kreftiger schal .
48a,15 sô vellet vile dicke .
48a,16 mit regene joch mit blicke .
48a,17 ein viurîn genibele .
48a,18 mit stinkendem swebele .
48a,19 mit den sînen der leidige hunt .
48a,20 – – .
48a,21 in allen gâhen werdent sie verloren .
48a,22 sô grôz wirdet gotes zorn .
48a,23 der denne über sie gât .
48a,24 daz ir keines wirdet rât .
48a,25 sie zerstiebert alsô garwe .
48a,26 sam ir ie würde kein varwe .

49a,1 von sôgetâneme valle .
49a,2 erschricket diu werlt al betalle .
49a,3 swaz lebe . vûnf tage daz erzaget .
49a,4 unde drî iz gedaget .
49a,5 sô hât uns der wîse Beda gekündet .
49a,6 wan iz hât ergründet .
49a,7 Johannes in – quît .
49a,8 dâ er merket daz selbe zît .
49a,9 über der werlte vier drumen .

49a,10 wart ein – .
 49a,11 – – – .
 49a,12 daz sulen wir iu diuten sâr .
 49a,13 sam in einer mittelen stunten .
 49a,14 von niemannes munde .
 49a,15 wirdet kein stimme vernomen .
 49a,16 daz zît sol komen .
 49a,17 zwischen der unrechten tôde .
 49a,18 und der kristene genâde .
 49a,19 daz hât hier bezeichnenet .
 49a,20 der mittelen stunten ist iz gelîhet .

50a,1 diu mennische diu dannoch hânt daz leben .
 50a,2 die sich dem Ëndekriste hæten ergeben .
 50a,3 – – die durch die grimmen nôt .
 50a,4 begiengen daz der Ëndekrist gebôt .
 50a,5 ze gote sie widersinnent .
 50a,6 sîner genâde sie gedingent .
 50a,7 vile lûter wirdet ire klage .
 50a,8 got hât danne vierzic tage .
 50a,9 den erwelten verlâzen .
 50a,10 die ane gebetet habeten den verwâzen .
 50a,11 daz sie mit triuwen .
 50a,12 ire missetæte riuwen .
 50a,13 êr daz gerihte ergê .
 50a,14 man liset in Daniele .
 50a,15 wie ez sule alsô ergein .
 50a,16 wie lange denne diu werlt sule stein .
 50a,17 daz ist allen gelîche unkunt .
 50a,18 Krist sprach selbe durch sînen munt .
 50a,19 ez en solte wizzen der junge noch der alte .
 50a,20 daz der vater hât in sîneme gewalte .

51a,0 – – – . – – – – .
 51a,1 iedoch hât Iheronimus .
 51a,2 geschriben in annalibus .
 51a,3 von vûnvzehen tagen .
 51a,4 daz en wile ich niut verdagen .
 51a,5 die sulen hân misselîchiu zeichen .
 51a,6 daz sint gotes bouchen .
 51a,7 nû vernemet des êrsten tages zeichen .

52a,1 über die berge wahsent diu merwazzer .
 52a,2 nieman wirdet doch nazzer .
 52a,3 zwelif klâfter sie dâ obe stânt .
 52a,4 sam ein mûrîniu want .
 52a,5 des andern tages – – – kêrent sie widere .
 52a,6 unde vallent sô nidere .

- 52a,7 daz man sie kûme gesehen mac .
52a,8 alsô danne kumet der dritte tac .
52a,9 sô samenent sich des meres wege .
52a,10 an ire êreren sege .
52a,11 wider an ire alte stat .
52a,12 als sie von êrest wurden gesazt .
- 53a,1 des vierden tages wunder .
53a,2 diu mer begânt besunder .
53a,3 swaz in dem mer lebet .
53a,4 über den wâc iz strebet .
53a,5 sie gânt zesamene in strît .
53a,6 sam sie haben grôzen nît .
53a,7 sie luogent unde bellent
53a,8 vile lûte sie gellent .
53a,9 doch en wizzen die liute
53a,10 waz iz bediute .
53a,11 got der weiz iz eine .
53a,12 waz sie dâ mite – meinen .
53a,13 mit den dingen .
53a,14 diu in dem mere ringent .
53a,15 daz sint des meres zeichen .
53a,16 des vünften tages beginnent sich leichen .
53a,17 an den velden daz gevügele .
53a,18 iegelîchez nâch sîner edele .
53a,19 zesamene sie diezent
53a,20 vile harte sie riezent .
53a,21 des mazzes sie vergezzent
53a,22 sie trinkent noch en ezzen .
53a,23 sô werdent an dem sehsten tage .
53a,24 die beche alle in wâge .
53a,25 iz sî bach oder brunne .
53a,26 sie loufent zuo dem ursprunge .
- 54a,1 des sibenden tages daz gestirne .
54a,2 daz an dem firmamento gât irre .
54a,3 unde ein iegelich himelliecht .
54a,4 daz entbietet langer niet .
54a,5 ab im springet daz viur
54a,6 diu vürbe wirdet vile ungehiure .
54a,7 sô wirdet sâr daz ertrîche in wâge .
54a,8 an dem ahtodem tage .
54a,9 sô starc werdent die ertbibe .
54a,10 sam niht sule belîben .
54a,11 ez sî vihe oder liut .
54a,12 gestân mac denne niut .
54a,13 weder gestân noch gegân .
54a,14 ûf die erde muoz iz sich lân .

- 54a,15 sô ne ist zwîvel nehein .
54a,16 des niunden tages ein ieteslich stein .
54a,17 er sî kleine oder grôz .
54a,18 in vier teile er muoz .
54a,19 die steine zerspringent
54a,20 diu stücke sament ringent .
54a,21 beide krût unde boum .
54a,22 gewinnent bluotigen toum .
54a,23 sie werdent gar bluotvar .
54a,24 des zehenden tages daz ist wâr .
- 55a,1 ienoch wirdet diu erde in wâge .
55a,2 an dem einliftem tage .
55a,3 sô starc werdent die ertbibe .
55a,4 sam iht sule belîben .
55a,5 iz sî bûhel oder berc .
55a,6 an dem en ist kein mennischlich werc .
55a,7 noch keines mennischen list .
55a,8 swaz ouch gezimbers ist .
55a,9 – daz en mac langer gestân .
55a,10 zuo eineme stûppe muoz iz zergân .
55a,11 ez sî vihe oder tier .
55a,12 an dem zweliftem tage vile schier .
55a,13 sie loufent ûz dem walde .
55a,14 an daz velt balde .
55a,15 sie rûhelent unde luogent
55a,16 keines mazzes sie sich müejent .
- 56a,1 als wir ez haben an der sage .
56a,2 an dem drîzehenden tage .
56a,3 stânt diu greber alliu offen .
56a,4 die dâr inne wâren berochen .
56a,5 die habent ûf an des grabes munt .
56a,6 doch ist uns unkunt .
56a,7 in welichen bileden sie dâ haben .
56a,8 von diu sulen wir des gedagen .
- 57a,1 diu mennische diu dannoch lebent .
57a,2 des vierzehenden tages sie den sin begebent .
57a,3 vore leide sie niut en sprechent .
57a,4 kein dinc sie zechent .
57a,5 si loufent an daz gevilde .
57a,6 sam sie sîn wilde .
57a,7 verloren hânt sie die kunst .
57a,8 sie ne hânt keine vernunst .
57a,9 niht langer iz danne wesen mac .
57a,10 sô kumet der vûnvzehende tac .
57a,11 an dem ligent diu mennische alliu tôt .

- 57a,12 sô ist iz geredet an die jungesten nôt .
 57a,13 an daz jungeste gerihte .
 57a,14 got hât eine in sîner pflihte .
 57a,15 wanne die vûnvzehen tage ergein .
 57a,16 ob sie sament nâch einander gestên .
 57a,17 obe daz gerihte sâr ergê .
 57a,18 oder dâ nâch kein vrist sî mêr .
- 58a,0 - - - - - .
 58a,1 Dâvît sprach alsus .
 58a,2 - - - - - .
 58a,3 daz viur entbrennet vore sîner gesihte .
 58a,4 alsô beginnet daz gerihte .
 58a,5 himel und erde sament brinnet .
 58a,6 dem viure niut entrinnet .
 58a,7 daz sagen wir âne wân .
 58a,8 daz viur ist alsô getân .
 58a,9 iz erliutert algelîche .
 58a,10 den himel und daz ertrîche .
 58a,11 si en sulen niut gar zergân .
 58a,12 ein ander bilede sulen sie hân .
 58a,13 “- - - .”
 58a,14 sô sprach Paulus dô er begunde
 58a,15 reden von disen dîngen .
 58a,16 diu werlt sol ein ander bilede gewinnen .
- 59a,1 daz tet ouch Krist selbe kunt .
 59a,2 dô er sprach “- - - .”
 59a,3 himel und erde wirdet verwandelet .
 59a,4 ou wê wie kreftic wirdet diu nôt .
 59a,5 daz viur daz wir nû hân .
 59a,6 wie unlange iz dâ mac gestân .
 59a,7 daz wazzer brinnet sam ein dîrrez bâht .
 59a,8 ienoch ist unvolledâht .
 59a,9 diu kraft die daz viur hât .
 59a,10 sam daz golt in deme viure lâht .
 59a,11 valsche unde bilede daz iz hât .
 59a,12 ich weiz iz himel unde erde sam ergât .
- 60a,1 sâr ze der stunte
 60a,2 von der engel munde .
 60a,3 diezent diu horn dicke .
 60a,4 in eineme ougenblicke .
 60a,5 erstânt die tôten alle .
 60a,6 beide die in dem hellewalle .
 60a,7 gebeten hânt unz dar .
 60a,8 und ouch die got in sîner beware .
 60a,9 vile schône behalten hât .

- 60a,10 oder swie – iz umbe sie stât .
 60a,11 die sulen erstân algelîche .
 60a,12 mit ganzem lîbe wærlîche .
 60a,13 des en ist kein wân .
 60a,14 ir iegelîcher sol gesunt erstân .
 60a,15 im werde ouch wole oder wê .
 60a,16 ir necheiner mac ersterben mêr .
- 61a,1 sô sitzet an dem gerihte .
 61a,2 ze der werlt aller gesihte .
 61a,3 – – .
 61a,4 der heilant Jêsus vile gewis .
 61a,5 offen stânt sîne wunden .
 61a,6 er zeigt sie unverbunden .
 61a,7 mit der durnînen krône .
 61a,8 ouget er daz kriuze vrône .
 61a,9 daz sper und diu spongia .
 61a,10 werdent ouch erzeiget dâ .
 61a,11 ûz sîneme munde ein swert gât .
 61a,12 die scharpfen egge daz hât .
 61a,13 er ist der wære mennische unde got .
 61a,14 der sælige der sîn gebot .
 61a,15 hier hât behalten .
 61a,16 micheler vröuwede sol er dâ walten .
 61a,17 swie doch die engel dâ biben .
 61a,18 sô ne megen di übeln bî den guoten niut langer belîben .
- 61a,1 die der schâfe namen hânt .
 61a,2 zuo der zeswe sie gestânt .
 61a,3 die aber zuo den kitzen sint gezalt .
 61a,4 wan sie unrehte wâren balt .
 61a,5 zuo der winster werdent sie gesetzet .
 61a,6 ire unreht sie letzet .
 61a,7 mit ire sünden stânt sie geseilet .
 61a,8 doch haben wir wie dâ werden geteilet .
 61a,9 beide übele unde guot in vier schar .
 61a,10 diu obereste wirdet vile schoene gar .
 61a,11 daz sint die gotesboten wærlîche ./
 61a,12 unde alle ir gelîchen .
 61a,13 den hier bevolhen ist diu kristenheit .
 61a,14 unde swer die stôle mit ire rehte treit .
 61a,15 die sulen ûf dem dincstuole sitzen .
 61a,16 wan sie mit guoten witzen .
 61a,17 ire leben hier hânt behalten .
 61a,18 des gerihtes sulen sie dâ walten .
- 62a,1 sô stât diu nidereste schar .
 62a,2 dâr engegen vile jâmerlîche gar .
 62a,3 mit nîde und mit hazze .

- 62a,4 dem viure werdent sie gegeben ze mazze .
 62a,5 an urteile sint sie verloren .
 62a,6 wan sie den goteszorn .
 62a,7 niut en vorhten .
 62a,8 kein guot sie nie geworhten .
 62a,9 unde umbe sweliche iz ouch sô stât .
 62a,10 daz sie durch ire grôze missetât .
 62a,11 von der kristenheit werdent gescheiden .
 62a,12 daz selbe sulen sie dâ lîden .
 62a,13 ob sie an der untriuwe .
 62a,14 werdent vunden âne riuwe .
 62a,15 sie werdent der tiuvele genôze .
 62a,16 got uns dâ vore bewaren müeze .
- 63a,1 dâ mit in zwô schare stânt .
 63a,2 diu gerihte über die beide ergânt .
 63a,3 diu eine entwâhet den trôst .
 63a,4 mit urteil wirdet siu erlöst .
 63a,5 ire guot vüre ire unreht gât .
 63a,6 von diu wirdet ir guot rât .
 63a,7 diu ander wirdet verkoren .
 63a,8 ou wê daz ie wart geboren .
 63a,9 der dâ wirdet verteilet .
 63a,10 zuo dem tiuvele wirdet er êwicliche geseilet .
- 64a,1 Jêsus der heilant .
 64a,2 die dâ gestênt zuo der zeswen hant .
 64a,3 die grüezet er mit güete .
 64a,4 er sprichet . “venite benedicti .
 64a,5 ire gesegeneten mînes vater kumet her .
 64a,6 des en widerstêt iuch kein wer .
 64a,7 entwâhen schulet ir daz rîche .
 64a,8 wan ir vile minnicliche .
 64a,9 mich beruochtent genôte .
 64a,10 in allen mînen noeten .
 64a,11 ez wær hunger oder nacketac .
 64a,12 unde ob ich gevangen oder siech lac .
 64a,13 ir wistet mîn vile drâte
 64a,14 mit gebe joch mit râte .
 64a,15 vergelten wile ich iu daz .”
 64a,16 ie dannoch troestet er sie baz .
 64a,1 mit der beschöuwede sîner ougen .
 64a,2 erzeiget er in sîne tougene .
 64a,3 — — — .
 64a,4 daz antlütze sîner schönliche vile gewis .
 64a,5 daz er sînen jungern erzeigete .
 64a,6 dô er si nâch im neigete .
 64a,7 der sîn aneblic tet in sô wole .

- 64a,8 der gotelîchen sîeze wurden si sô vol .
64a,9 daz sie liezen swaz sie mohten hân .
64a,10 sie îlten vile drâte nâch im gân .
64a,11 sie trâten rehte in sîn pfat .
64a,12 der selben sîeze werdent vile sat .
64a,13 alle gotes trûten .
64a,14 sie sprechent überlûte .
64a,15 “hêrre wâ gedienete wir dir ie
64a,16 in keinen noeten gesâhen wir dich nie .”
- 65a,1 bî der rede sol merken der liut .
65a,2 daz die sæligen dunket ein niut .
65a,3 swaz sie durch got erliten hânt .
65a,4 swenne sie ze sîner gesiht gestânt .
65a,5 sie dunket daz sie ie gewonnen kein mûeje .
65a,6 sô sprichet in aber der heilant zuo .
65a,7 “dô ir iuch die armen
65a,8 liezent erbarmen .
65a,9 beide siechen unde gevangen suochtent .
65a,10 und die beruochtent .
65a,11 daz was allez mir getân .”
65a,12 die danne zuo der winster sihet stân .
65a,13 ich weiz er sich an in richet .
65a,14 vile zornlîche er zuo sprichet .
65a,15 “wan iuch des unrehtes nam vile untîur .
65a,16 nû vart ir vervluocheten in daz êwige viur .
65a,17 daz dem tiuvel gegerwet ist .”
65a,18 sô ne hilfet kein list .
65a,19 noch keiner slahte lougen .
65a,20 kein sünde wart nie sô tougen .
65a,21 siu en werde kunt danne .
65a,22 wîbe unde manne .
- 66a,1 ou wê in die zuo der helle sint erkoren .
66a,2 unser hêrre Jêsus zeiget in sînen zorn .
66a,3 mit eineme grimmen ougenblicke .
66a,4 die dâ gestûelet sô dicke .
66a,5 in dem templo habeten .
66a,6 von dem selben aneblicke si erzageten
66a,7 sie vluhen alle dâr ûz .
66a,8 er sprach sînes vater hûs
66a,9 solte ein betehûs wesen .
66a,10 dâr inne solte man singen unde lesen .
66a,11 unde niut anders begân .
66a,12 kein kouf solte . dâ inne bestân .
66a,13 ich weiz – iz den ze jungeste sam ergât .
66a,14 über die er diu ougen sînes zornes lât .
66a,15 von sîner beschôuwede sie vlichent .

66a,16 zuo dem tiuvel sie ziehent .
66a,17 in der helle trûwent sanfter genesen .
66a,18 êr sie vore sîner gesihtē wellen wesen .

67a,1 sâr wirdet gesundert übel unde guot .
67a,2 des en habe nieman keinen muot .
67a,3 daz sie vürdermâl werden gesamenet .
67a,4 die verworhten müezen die hellenôt
67a,5 liden mit sêre .
67a,6 kein gewaht wirdet ir mêre .
67a,7 den sæligen iz danne ergât .
67a,8 als iz geschriben stât .
67a,9 – – – .
67a,10 daz wirdet bediutet sus .
67a,11 si en hungeret noch gedürstet mêt .
67a,12 kein hitze tuot in wê .
67a,13 ire urganc wirdet vile guot .
67a,14 bî den brunnen stât der bluomen blüete .
67a,15 neheine stat dâ hât der haz .
67a,16 niemannes ouge wirdet dâ naz .
67a,17 dâ en ist kein wuoft .
67a,18 weder sêr noch ruoft .
67a,19 danne ist nieman ungesund .
67a,20 – – – .

68a,1 Johannes hôrte ein stimme sprechen . sô .
68a,2 “ecce omnia nova faciô .
68a,3 niuwe mache ich alliu dinc .”
68a,4 den himel unde den ertrinc .
68a,5 machet diu goteheit wîse .
68a,6 ze eineme êwiclîchen paradîse .
68a,7 daz wirdet – – .
68a,8 nû geben wir der rede ein drum .
68a,9 ez wirdet der lebentigen erde .
68a,10 dâ sulen bûwen werde .
68a,11 alle gotes trûten .
68a,12 nû biten wir hiute .
68a,13 hiute unde vürdermâl .
68a,14 daz got âne alle twâl .
68a,15 uns gebe daz – – gemüete .
68a,16 daz mit rehter diemüete .
68a,17 ze dem selben tegedinge .
68a,18 unser iegelîcher bringe .
68a,19 mit rehter anedæhte .
68a,20 daz edel gewæte .
68a,21 daz wir in den toufen nâmen .
68a,22 nû sprechen alle . âmên .